

DAVIES, EVAN (1805 - 1864), cenhadwr o dan Gymdeithas Genhadol Llundain, gweinidog gyda'r Annibynwyr, ac awdur amryw lyfrau

Enw: Evan Davies

Dyddiad geni: 1805

Dyddiad marw: 1864

Rhyw: Gwryw

Galwedigaeth: cenhadwr o dan Gymdeithas Genhadol Llundain, gweinidog gyda'r Annibynwyr, ac awdur amryw lyfrau

Maes gweithgaredd: Crefydd; Llenyddiaeth ac Ysgrifennu

Awdur: Evan Lewis Evans

Ganwyd yn Hengwm, plwyf Lledrod, Sir Aberteifi, 1805. Ei fagu yn y gymdogaeth, ei brentisio'n ddilledydd, a symud i Lundain at ei dad. Ymaelododd gyda'r Annibynwyr yn eglwys Little Guilford Street (y 'Boro'), ond yn 1827 daeth i'r Mynydd-bach, ger Abertawe. Codwyd ef i bregethu yno, ac aeth am gwrs o baratoi i athrofa'r Neuadd-lwyd, ym Mhen-y-banc, o dan y [Dr. Phillips](#). Derbyniwyd ef i Goleg yr Annibynwyr (Western Academy) yn Exeter. Ordeiniwyd ef ar eglwys Great Torrington, Dyfrint, ond yn 1835 derbyniwyd ef gan Gymdeithas Genhadol Llundain, a neilltuwyd ef i orsaf genhadol Penang, yng Nghulfor Malaca. Dychwelodd heb iechyd yn 1840. Bu'n ddirprwywr i'r genhadaeth (1840-2), yn arolygwr ar y 'Boys' Mission School' yn Walthamstow (1842-4), yn weinidog yn Richmond, Surrey (1844-57), a Heywood, Manceinion (1857-9). Symudodd i Dalston yn 1863 a bu farw yng Nghrug-y-bar, Sir Gaerfyrddin, 18 Mehefin 1864. Cyhoeddodd lyfrau ysgolheigaidd: *China and her Spiritual Claims*; *Memoirs of the Rev. Samuel Dyer*; *An Appeal to Reason and Good Conscience of Catholics*; *Rest: Lectures on the Sabbath*. Golygodd a chyhoeddodd *Letters of the Rev. Samuel Dyer to his Children*; *Lectures on Christian Theology* (Payne); *The Works of the late Rev. Edward Williams of Rotherham*.

Awdur

Y Parchedig Ddr Evan Lewis Evans, (1898 - 1978)

Ffynonellau

A Register of Missionaries, Deputations etc., from 1796 to 1885 (1886), 115

Hanes Eglwysi Annibynnol Cymru, ii, 17

G. Penar Griffith, *Cenhadon Cymreig*, 60-2

Josiah Thomas Jones, *Geiriadur Bywgraffyddol o Enwogion Cymru (Aberdâr 1867-70)*, i, 158-9

E. Lewis Evans, *Cymru a'r Gymdeithas Genhadol, sef hanes ei Chychwyn* (1945), 145-6

Darllen Pellach

ODNB: [Davies, Evan \(1805-1864\)](#)

Erthygl Wicipedia: [Evan Davies \(cenhadwr\)](#)

Dolenni Ychwanegol

VIAF: [106818827](#)

Wikidata: [Q5415360](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.